

Broj: 01-05-6-02222-6/2021
Sarajevo, 19.7.2021. godine

Na osnovu čl. 88. i 89. Zakona o javnim nabavkama Bosne i Hercegovine („Službeni glasnik BiH“, broj 39/14), nakon razmatranja Preporuke Komisije za javne nabavke broj: 01-04-6-02222-5/2021 od 19.7.2021. godine, Direktor Federalne uprave za inspeksijske poslove u ime Ugovornog organa, donosi,

ODLUKU
o dodjeli ugovora o nabavci usluga-registracija i tehnički pregled službenih vozila
Federalne uprave za inspeksijske poslove

I

Prihvata se preporuka Komisije za javne nabavke uprave broj 01-04-6-02222-5/2021 od 19.7.2021. godine, te se ugovor o nabavci usluga tehnički pregled i registracija službenih vozila Federalne uprave za inspeksijske poslove po provedenom postupku konkurentskog zahtjeva za dostavljanje ponuda uz primjenu e-aukcije dodjeljuje ponuđaču „Ahmetspahić Petrol“ d.o.o. Sarajevo.

II

Ugovor sa ponuđačem „Ahmetspahić Petrol“ d.o.o. Sarajevo, zaključit će se pod slijedećim uslovima:

- Ukupna cijena ponude nakon provedenog postupka e-aukcije iznosi: 12.005,00 KM,
- Nabavka pojedinačnih usluga će se vršiti sukcesivno u skladu sa potrebama Ugovornog organa,
- Ugovor će se zaključiti na period od 1/jedna/ godine od dana zaključivanja istog,
- Rok plaćanja je 30 /trideset/ dana od dana prijema mjesečne fakture na protokol Ugovornog organa.

III

Po okončanju žalbenog roka ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

IV

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Direktor Federalne uprave za inspeksijske poslove je svojom odlukom broj 01-04-6-02222/2021 od 4.5.2021 godine pokrenuo postupak javne nabavke usluga –registracija i tehnički pregled službenih vozila Federalne uprave za inspeksijske poslove uz primjenu e-aukcije, a konkretna nabavka je predviđena Planom nabavki uprave za 2021. godinu-usluge, redni broj 4.

Dana 7.5.2021. godine na Portalu javnih nabavki BiH je objavljeno obavještenje o nabavci predmetnih usluga, broj obavještenja 1292-7-2-6-3-4/21. Na tendersku dokumentaciju je, dana 17.5.2021. godine, žalbu podnio ponuđač ASA ASSISTANCE d.o.o. Sarajevo. Nakon što je Ugovorni organ razmotrio žalbu, istu

shodno odredbi člana 100. stav (5) Zakona o javnim nabavkama prosljedio Uredu za razmatranje žalbi na nadležno postupanje.

Dana 5.7.2021. godine Ugovorni organ je zaprimio Zaključak Ureda za razmatranje žalbi BiH broj: JN2-03-07-1-1399-6/21 od 1.7.2021. godine kojim je žalba ponuđača ASA ASSISTANCE d.o.o. Srajevo odbačena kao neuredna.

Ugovorni organ je Odlukom broj: 01-04-6-02222-3/2021 od 6.7.2021. godine nastavio postupak javne nabavke, te je na Portalu javnih nabavki dana 6.7.2021. godine objavio Ispravku obavještenja o nabavci 1292-7-2-6-8-8/21.

Dana 15.7.2021. godine sa početkom u 12,15 sati izvršeno je javno otvaranje blagovremeno pristiglih ponuda, te je u zapisniku sa otvaranja ponuda konstatovano da su ponude dostavili slijedeći ponuđači sa pročitanim vrijednostima ponuda:

Broj protokola ugovornog organa	Broj koverta sa ponudom	Naziv/ime ponuđača	Koverta ispravno zat. i potp. ili opečaćena	Ukupna cijena ponude sa uračunatim popustom
01-04-6-02222/2021-I	1.	„Ahmetspahić Petrol“ d.o.o. Sarajevo	Da	13.393,84 KM
01-04-6-02222/2021-II	2.	„Centrotrans-Eurolines“ d.d. Sarajevo	Da	14.400,62 KM
01-04-6-02222/2021-III	3.	„Autocentar BH“ d.o.o. Sarajevo	Da	12.526,20 KM
01-04-6-02222/2021-IV	4.	„Asa Assistance“ d.o.o. Sarajevo	Da	12.913,99KM

Na javnom otvaranju ponuda nije bilo prisutnih ovlašteni predstavnik ponuđača, niti je od strane prisutnih članovi komisije bilo primjedbi na provedeni postupak otvaranja ponuda. Zapisnik sa otvaranja ponuda broj 01-04-6-02222-4/2021 je odmah nakon otvaranja ponuda upućen na adrese ponuđača koji su dostavili ponude. Komisija je također konstatovala da nije bilo neblagovremeno pristiglih ponuda.

Komisija je na zatvorenom sastanku izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera obrazaca i drugih dokumenata. Na osnovu izvršenog neposrednog uvida u ponude komisija je utvrdila da su ponuđači dostavili kompletnu dokumentaciju traženu tenderskom dokumentacijom, te da nisu postojali razlozi za odbacivanje ponude bilo kojeg od ponuđača. Na istom sastanku komisija je izvršila provjeru računске ispravnosti dostavljenih ponuda, te nije našla nepravilnosti u dijelu koji se odnosi na računsku ispravnost ponuda.

Nakon toga je izvršeno usaglašavanje termina za e-aukciju, te je ista zakazana za dan 19.7.2021. godine sa početkom u 10,00 sati.

Shodno Izvještaju Agencije za javne nabavke od 19.7.2021. godine postupak e-aukcije je uspješno okončan. Izvršenim uvidom u Izvještaj o toku i završetku e-aukcije konstatovano je da je e-aukcija trajala od 10,00 do 10,28 sati.

U izvještaju o toku i završetku e-aukcije, konstatovana je slijedeća rang lista ponuđača koji su učestvovali u postupku e-aukcije:

Naziv /ime ponuđača	Cijena sa otvaranja	Evaluirana cijena (KM)	Umanjenje cijene u %	Rang
„Ahmetspahić Petrol“ d.o.o. Sarajevo	13.393,84 KM	12.005,00 KM	10,37%	1
„Centrotrans-Eurolines“ d.o.o. Sarajevo	14.400,62 KM	12.027,00 KM	16,48%	2
„Autocentar BH“ d.o.o. Sarajevo	12.526,20 KM	12.526,20 KM	0 %	3
„Asa Assistance“ d.o.o. Sarajevo	12.913,99 KM	12.913,99 KM	0%	4

Kako je kriterij za dodjelu ugovora u konkretnom postupku javne nabavke najniža cijena tehnički zadovoljavajuće ponude, komisija je jednoglasno konstatovala da nema smetnji za davanje preporuke direktoru uprave da se ponuđaču koji je dostavio ponudu sa najnižom cijenom dodijeli ugovor o nabavci predmetnih usluga.

U skladu sa kriterijem „najniža cijena tehnički zadovoljavajuće ponude“ komisija je konstatovala da je ponuda ponuđača „Ahmetspahić Petrol“ d.o.o. Sarajevo, najpovoljnija sa ukupnom ponuđenom cijenom od 12.005,00 KM, te je u skladu sa navedenim dala preporuku Direktor uprave da u ime ugovornog organa donese odluku kojom će ugovor o nabavci predmetnih usluga dodijeliti navedenom ponuđaču.

Obzirom da je ponuđač „Ahmetspahić Petrol“ d.o.o. Sarajevo u okviru svoje ponude od 14.7.2021. godine dostavio dokumentaciju kojom dokazuje da ne postoje smetnje propisane odredbom člana 45. stav (2) tačke a), c) i d) Zakona o javnim nabavkama BiH ovom odlukom se ne zahtjeva naknadno dostavljanje dokaza u odnosu na navedenu odredbu zakona.

Nakon razmatranja dostavljene preporuke Direktor Federalne uprave za inspeksijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.


DIREKTOR

Anis Ajdinović

Dostaviti:

1. „Ahmetspahić Petrol“ d.o.o. Sarajevo, Muamera Omerbegovića 3, 71103 Sarajevo
2. „Centrotrans-Eurolines“ d.d. Sarajevo, Kurta Schorka 14, 71000 Sarajevo
3. „Autocentar BH“ d.o.o. Sarajevo, Džemala Bijedića 165 b, 71000 Sarajevo
4. „Asa Assistance“ d.o.o. Sarajevo, Trg međunarodnog prijateljstva 25, 71000 Sarajevo
5. Sektor za materijalno-finansijske i tehničke poslove
6. Sektor za tehničku podršku i plansko- analitičke poslove
7. Komisija za javne nabavke (a/a)

